

# КАФИСМА ШЕСТНАДЦАТАЯ

## Псалом Давиду, 109

<sup>1</sup> Рече Господь Господеви моему: седи одесную Мене, дондеже положу враги Твоя подножие ног Твоих. <sup>2</sup> Жезл силы пошлет ти Господь от Сиона, и господствуй посреде врагов Твоих. <sup>3</sup> С Тобою начало в день силы Твоея, во светлостех святых Твоих, из чрева прежде денницы роди Тебя. <sup>4</sup> Клятсся Господь и не раскается: Ты иерей во век, по чину Мелхиседекову. <sup>5</sup> Господь одесную Тебе сокрушил есть в день гнева Своего цари. <sup>6</sup> Судит во языцех, исполнит падения, сокрушит главы на земли многих. <sup>7</sup> От потока на пути пьет, сего ради вознесет главу.

## Аллилуиа, 110

<sup>1</sup> Исповемся Тебе, Господи, всем сердцем моим в совете правых и сонме. <sup>2</sup> Велия дела Господня, изыскана во всех волях Его. <sup>3</sup> Исповедание и великолепие дело Его и правда Его пребывает в век века. <sup>4</sup> Память сотворил есть чудес Своих, Милостив и Щедр Господь. <sup>5</sup> Пищу даде боящимся Его, помянет в век завет Свой. <sup>6</sup> Крепость дел Своих возвести людем Своим, дати им достояние язык. <sup>7</sup> Дела рук Его истина и суд, верны вся заповеди Его, <sup>8</sup> утвержены в век века, сотворены во истине и правоте. <sup>9</sup> Избавление послал людем Своим: заповеда в век завет Свой. Свято и страшно имя Его. <sup>10</sup> Начало премудрости страх Господень, разум же благ всем творящим и. Хвала Его пребывает в век века.

## Аллилуиа, Аггево и Захарьино, 111

<sup>1</sup> Блажен муж, бояйся Господа, в заповедех Его восхощет зело. <sup>2</sup> Сильно на земли будет семя его, род правых благословится: <sup>3</sup> слава и богатство в дому его, и правда его пребывает в век века. <sup>4</sup> Возсия во тме свет правым, милостив и

щедр, и праведен. <sup>5</sup> Благ муж, щедра и дая: устроит словеса своя на суде, яко в век не подвижится. <sup>6</sup> В память вечную будет праведник. <sup>7</sup> От слуха зла не убоится, <sup>8</sup> готово сердце его уповати на Господа. Утвердися сердце его, не убоится, дондеже воззрит на враги своя. <sup>9</sup> Расточи, даде убогим, правда его пребывает во век века, рог его вознесется в славе. <sup>10</sup> Грешник узрит и прогневается, зубы своими поскрежет и растает, желание грешника погибнет.

Слава:

### Аллилуиа, 112

<sup>1</sup> Хвалите, отроцы, Господа, хвалите имя Господне. <sup>2</sup> Буди имя Господне благословенно отныне и до века. <sup>3</sup> От восток солнца до запад хвально имя Господне. <sup>4</sup> Высок над всеми языки Господь: над небесы слава Его. <sup>5</sup> Кто яко Господь Бог наш? На высоких живый <sup>6</sup> и на смиренные призираяй на небесы и на земли, <sup>7</sup> воздвизаяй от земли нища и от гноища возвышаяй убога, <sup>8</sup> посади ти его с князи, с князи людей своих, <sup>9</sup> вселяя неплодовь в дом матерь о чадах веселящуся.

### Аллилуиа, 113

<sup>1</sup> Во исходе Израилеве от Египта, дому Иаковля из людей варвар, <sup>2</sup> бысть Иудеа святыня Его, Израиль область его. <sup>3</sup> Море виде и побеже, Иордан возвратися вспять, <sup>4</sup> горы выграса, яко овни, и холми, яко агнцы овчии. <sup>5</sup> Что ти есть, море, яко побегло еси? И тебе, Иордане, яко возвратился еси вспять? <sup>6</sup> Горы, яко выграсеся, яко овни, и холми, яко агнцы овчии? <sup>7</sup> От лица Господня подвижесе земля, от лица Бога Иаковля, <sup>8</sup> обращшаго камень во езера водная и несомый во источники водныя. <sup>9</sup> Не нам, Господи, не нам, но имени Твоему даждь славу, о милости Твоей и истине Твоей. <sup>10</sup> Да не когда рекут языцы: где есть Бог их? <sup>11</sup> Бог же наш на небесы и на земли, вся елика восхотел, сотвори. <sup>12</sup> Идоли язык сребро и злато, дел рук человеческих. <sup>13</sup> Уста имут, и не возглаголют, очи имут и не узрят, <sup>14</sup> уши имут, и не услышат, ноздри имут, и не обоняют, <sup>15</sup> рuce имут, и не осяжут, нозе имут, и не пойдут, не

возгласят гортанем своим. <sup>16</sup> Подобни им да будут творящие я, и вси надеющиеся на ня. <sup>17</sup> Дом Израилев упова на Господа: Помощник и Защититель им есть. <sup>18</sup> Дом Ааронъ упова на Господа: Помощник и Защититель им есть. <sup>19</sup> Боящиеся Господа уповаша на Господа: Помощник и Защититель им есть. <sup>20</sup> Господь помянув ны благословил есть нас, благословил есть дом Израилев, благословил есть дом Ааронъ, <sup>21</sup> благословил есть боящихся Господа, малыя с великими. <sup>22</sup> Да приложит Господь на вы, на вы и на сыны ваша. <sup>23</sup> Благословени вы Господеви, сотворшему небо и землю. <sup>24</sup> Небо небесе Господеви, землю же даде сыновом человеческим. <sup>25</sup> Не мертвии восхвалят Тя, Господи, ниже вси низходящи во ад, <sup>26</sup> но мы, живии, благословим Господа отныне и до века.

#### Аллилуиа, 114

<sup>1</sup> Возлюбих, яко услышит Господь глас моления моего, <sup>2</sup> яко приклоню ухо Своё мне, и во дни моя призову. <sup>3</sup> Объяша мя болезни смертныя, беды адовы обретоша мя, скорбь и болезнь обретох, и имя Господне призвах: <sup>4</sup> о, Господи, избави душу мою. Милостив Господь и Праведен, и Бог наш милует. <sup>5</sup> Храняй младенцы Господь: смирихся, и спасе мя. <sup>6</sup> Обратися, душе моя, в покой твой, яко Господь благодействова тя. <sup>7</sup> Яко изыят душу мою от смерти, очи мои от слез и нозе мои от поползновения. <sup>8</sup> Благоугожду пред Господем во стране живых.

Слава:

#### Аллилуиа, 115

<sup>1</sup> Вéroвах, темже возглаголах, аз же смирихся зело. <sup>2</sup> Аз же рех во изступлении моём: всяк человек ложь. <sup>3</sup> Что воздам Господеви о всех, яже воздаде ми? <sup>4</sup> Чашу спасения прииму и имя Господне призову, <sup>5</sup> молитвы моя Господеви воздам пред всеми людьми Его. <sup>6</sup> Честна пред Господем смерть преподобных Его. <sup>7</sup> О, Господи, аз раб Твой, аз раб Твой и сын рабыни Твоея; растерзал еси узы моя. <sup>8</sup> Тебе пожру жертву хвалы, и во имя Господне призову. <sup>9</sup> Молитвы моя Господеви воздам пред

всѣми людми́ Его, <sup>10</sup> во двѣрех до́му Господня, посреде́ тебѣ, Иерусали́ме.

### Аллилуиа, 116

<sup>1</sup> Хвалите́ Го́спода вси язы́цы, похвалите́ Его́ вси лю́дие, <sup>2</sup> яко утверди́ся ми́лость Его на нас, и и́стина Господня пребыва́ет во век.

### Аллилуиа, 117

<sup>1</sup> Испове́дайтесь Го́сподеви, яко́ Благ, яко́ в век ми́лость Его. <sup>2</sup> Да рече́т у́бо дом Изра́илев: яко́ Благ, яко́ в век ми́лость Его. <sup>3</sup> Да рече́т у́бо дом Ааро́нь: яко́ Благ, яко́ в век ми́лость Его. <sup>4</sup> Да реку́т у́бо вси боя́щиеся Го́спода: яко́ Благ, яко́ в век ми́лость Его. <sup>5</sup> От ско́рби призва́х Го́спода, и услы́ша мя в простран́ство. <sup>6</sup> Го́сподь мне Помо́щник, и не убою́ся, что сотвори́т мне челове́к. <sup>7</sup> Го́сподь мне Помо́щник, и аз воззрю́ на враги́ моя́. <sup>8</sup> Бла́го есть надѣяться на Го́спода, не́жели надѣяться на челове́ка. <sup>9</sup> Бла́го есть упова́ти на Го́спода, не́жели упова́ти на кня́зи. <sup>10</sup> Все́ язы́цы обыдо́ша мя, и и́менем Господним противля́хся им, <sup>11</sup> обыше́дше обыдо́ша мя, и и́менем Господним противля́хся им, <sup>12</sup> обыдо́ша мя, яко́ пчѣлы сот, и разгоре́шася, яко́ огнь в те́рнии, и и́менем Господним противля́хся им. <sup>13</sup> Отринове́н преврати́хся па́сти, и Го́сподь прия́т мя. <sup>14</sup> Кре́пость моя́ и пѣние моё Го́сподь, и бысть ми во спасѣ́ние. <sup>15</sup> Глас ра́дости и спасѣ́ния в селѣ́ниях пра́ведных: <sup>16</sup> десни́ца Господня сотвори́ си́лу. Десни́ца Господня вознесе́ мя, десни́ца Господня сотвори́ си́лу. <sup>17</sup> Не умру́, но жив бу́ду, и пове́м дела́ Господня. <sup>18</sup> Наказу́я наказа́ мя Го́сподь, сме́рти же не предаде́ мя. <sup>19</sup> Отве́рзите мне врата́ пра́вды, вше́д в ня испове́мся Го́сподеви. <sup>20</sup> Сия́ врата́ Господня, пра́веднии вни́дут в ня. <sup>21</sup> Испове́мся Тебе́, яко́ услы́шал мя еси́, и был еси́ мне во спасѣ́ние. <sup>22</sup> Ка́мень, егѣ́же небрего́ша зи́ждущии, сей бысть во главу́ у́гла: <sup>23</sup> от Го́спода бысть сей, и есть диве́н во очесе́х на́ших. <sup>24</sup> Сей день, егѣ́же сотвори́ Го́сподь, возра́дуемся и возвесели́мся в онь. <sup>25</sup> О, Го́споди, спаси́ же, о Го́споди, поспеши́ же. <sup>26</sup> Благослове́н

грядый во имя Господне, благословихом вы из дому Господня.  
<sup>27</sup> Бог Господь, и явился нам: составите праздник во учающих до рог олтаревых. <sup>28</sup> Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. <sup>29</sup> Исповедайтесь Господеви, яко Благ, яко в век милость Его.

Слава:

**По 16-й кафисме, Трисвятое.**

*Таже тропари, глас 1:* Ин мир тебе, душе, ожидает, и Судия хощет Твоя обличити тайная и лютая. Не пребуди убо в здешних, но предвари вопиющи Судий: Боже, очисти мя и спаси мя.

*Слава:* Яко прегрешеньми многими и язвами безмерными облежимь есмь, Спасе, согрешаяй молю Твое благоутробие, Христэ: врачу недугующих, посети, и исцели, и спаси мя.

*И ныне:* Душе моя, что нерадиво живёши ленящися? Что не печёшися о злых, ихже содеяла еси в житий? Потщися исправитися прежде даже дверь не заключит Тебе Господь. Богородице притецы, припадй и возопий: Упование ненадеемых, спаси мя, много к Тебе прегрешивша, Владычице Пречистая.

Господи, помилуй (40) и молитва:

Господи Святыи, в Вышних Живый, и всевидяшим Твоим оком призираяй на всю тварь, Тебе приклоняем выю души и телесе, и Тебе молимся, Святыи святых: простри руку Твою невидимую от святаго жилища Твоего, и благослови вся ны, и прости нам всякое согрешение, вольное же и невольное, словом или делом. Даруй нам, Господи, умиление, даруй слезы духовныя от души, во очищение многих наших грехов, даруй велию Твою милость на мир Твой и на ны недостойныя рабы Твоя. Яко благословено и препрославлено есть имя Твое, Отца и Сына и Святаго Духа, ныне и присно, и во веки веков, аминь.

## **КАФИСМА СЕДМНАДЦАТАЯ**

Аллилуиа, 118

<sup>1</sup> Блажéни непорóчнии в путь, ходящии в закóне Господни. <sup>2</sup> Блажéни испытáющие свидéния Его, всем сёрдцем възыщут Его, <sup>3</sup> не дéлающие бо беззакóния, в путéх Его ходиша. <sup>4</sup> Ты заповéдал еси заповеди Твоя́ сохранити зело́. <sup>5</sup> Дáбы исправи́лися путиé мой, сохранити оправдáния Твоя́. <sup>6</sup> Тогда́ не постыжуся, внегда́ призрети ми на вся заповеди Твоя́. <sup>7</sup> Исповёмся Тебé в правости сёрдца, внегда́ научити ми ся судьбáм правды Твоея́. <sup>8</sup> Оправдáния Твоя́ сохраню́, не остави менé до зела́. <sup>9</sup> В чесóм исправит юнейший путь свой; внегда́ сохранити словеса́ Твоя́. <sup>10</sup> Всем сёрдцем моём възиска́х Тебé, не отрини менé от заповедей Твоих. <sup>11</sup> В сёрдце моём скрых словеса́ Твоя́, яко́ да не согрешу́ Тебé. <sup>12</sup> Благословён еси́ Гóсподи: научи́ мя оправданием Твоим. <sup>13</sup> Устна́ма моима возвестих́ вся судьбы́ уст Твоих. <sup>14</sup> На пути́ свидений Твоих наслади́хся, яко́ о всяком богáтстве. <sup>15</sup> В заповедех Твоих поглумлю́ся, и уразумею́ пути́ Твоя́. <sup>16</sup> Во оправданиях Твоих поучуся́, не забúду словес Твоих. <sup>17</sup> Воздаждь рабу́ Твоему́: живи́ мя, и сохраню́ словеса́ Твоя́. <sup>18</sup> Открой́ óчи мой, и уразумею́ чудеса́ от закóна Твоего́. <sup>19</sup> Пришлец аз есмь на земли́: не скрый от менé заповеди Твоя́. <sup>20</sup> Возлюбí душа́ моя́ возжелáти судьбы́ Твоя́ на всякое время. <sup>21</sup> Запретил еси́ гóрдым: прокляти́ уклоняющиися от заповедей Твоих. <sup>22</sup> Отыми́ от менé понос и уничижéние, яко́ свидений Твоих възиска́х. <sup>23</sup> Ибо седóша князи, и на мя клеветáху, раб же Твой глумля́шеся во оправданиях Твоих: <sup>24</sup> Ибо свидéния Твоя́ поучéние моé есть, и совети́ мой оправдáния Твоя́. <sup>25</sup> Прильпé земли́ душа́ моя́: живи́ мя по словеси́ Твоему́. <sup>26</sup> Пути́ мой возвестих́, и услышал мя еси́: научи́ мя оправданием Твоим: <sup>27</sup> Путь оправданий Твоих вразуми́ ми, и поглумлю́ся в чудесéх Твоих. <sup>28</sup> Воздрема́ душа́ моя́ от уны́ния: утверди́ мя в словесéх Твоих. <sup>29</sup> Путь неправды отстáви от менé, и закóном Твоим помилуй мя. <sup>30</sup> Путь истины изво́лих, и судьбы́ Твоя́ не забых. <sup>31</sup> Прилепи́хся свидением Твоим, Гóсподи, не посрами́ менé. <sup>32</sup> Путь заповедей Твоих текóх, егда́ расширил еси́ сёрдце моé. <sup>33</sup> Законоположи́ мне, Гóсподи, путь оправданий Твоих, и възыщу́ и вы́ну: <sup>34</sup> Вразуми́ мя, и испытáю закóн Твой, и сохраню́ и́ всем сёрдцем моим. <sup>35</sup>

Настави мя на стезю заповедей Твоих, яко тую восхотех. <sup>36</sup>  
Приклони сердце мое во свидения Твоя, а не в лихоимство. <sup>37</sup>  
Отврати очи мои, еже не видети суеты, в пути Твоем живи мя.  
<sup>38</sup> Постави рабу Твоему слово Твое в страх Твой. <sup>39</sup> Отыми поношение мое, еже непщевах: яко судьбы Твоя благи. <sup>40</sup> Се  
возжелал заповеди Твоя, в правде Твоей живи мя. <sup>41</sup> И да  
придет на мя милость Твоя Господи, спасение Твое по словеси  
Твоему. <sup>42</sup> И отвещаю поношающим ми слово: яко уповах на  
словеса Твоя. <sup>43</sup> И не отыми от уст моих словесе истинна до  
зела, яко на судьбы Твоя уповах. <sup>44</sup> И сохраню закон Твой  
вину, в век и в век века. <sup>45</sup> И хождях в широте, яко заповеди  
Твоя взысках. <sup>46</sup> И глаголах о свидениях Твоих пред царя, и не  
стыдяхся: <sup>47</sup> И поучахся в заповедех Твоих, яже возлюбих зело:  
<sup>48</sup> И воздвигох рuce мой к заповедем Твоим, яже возлюбих, и  
глумляхся во оправданиях Твоих. <sup>49</sup> Помяни словеса Твоя рабу  
Твоему, ихже упование дал ми еси. <sup>50</sup> То мя утеши во смирении  
моём, яко слово Твое живи мя. <sup>51</sup> Гордии законопреступоваху  
до зела: от закона же Твоего не уклонихся. <sup>52</sup> Помянух судьбы  
Твоя от века, Господи, и утешихся. <sup>53</sup> Печаль прият мя от  
грешник, оставляющих закон Твой. <sup>54</sup> Пета бяху мне оправдания  
Твоя, на месте пришельствия моего. <sup>55</sup> Помянух в ноци Имя  
Твое, Господи, и сохраних закон Твой. <sup>56</sup> Сей бысть мне, яко  
оправданий Твоих взысках. <sup>57</sup> Часть моя еси, Господи, рех  
сохранити закон Твой. <sup>58</sup> Помолихся лицу Твоему всем сердцем  
моим: помилуй мя по словеси Твоему. <sup>59</sup> Помыслих пути Твоя, и  
возвратих ноге мой во свидения Твоя. <sup>60</sup> Уготовихся и не  
смутихся сохранити заповеди Твоя. <sup>61</sup> Ужя грешник обязашася  
мне, и закона Твоего не забых. <sup>62</sup> Полунощи востах  
исповедатися Тебе о судьбах правды Твоея. <sup>63</sup> Причастник аз  
есмь всем боящимся Тебе, и хранящим заповеди Твоя. <sup>64</sup>  
Милости Твоея, Господи, исполнь земля: оправданием Твоим  
научи мя. <sup>65</sup> Благодсть сотворил еси с рабом Твоим, Господи, по  
словеси Твоему. <sup>66</sup> Благости, и наказанию и разуму научи мя,  
яко заповедем Твоим веровах. <sup>67</sup> Прже даже не смирити ми  
ся, аз прегреших: сего ради слово Твое сохраних. <sup>68</sup> Благ еси  
Ты, Господи, и благостию Твоею научи мя оправданием Твоим.

<sup>69</sup> Умно́жися на мя неправда гóрдых, аз же всем сёрдцем мо́им испыта́ю за́поведи Твоя́. <sup>70</sup> Усыри́ся я́ко млекó сёрдце их, аз же зако́ну Твоему́ поучи́хся. <sup>71</sup> Блага́ мне, я́ко смири́л мя еси́, я́ко да научу́ся оправда́нием Твои́м. <sup>72</sup> Благ мне зако́н уст Твои́х, па́че ты́сящ злата́ и сребра́.

Слава:

<sup>73</sup> Ру́це Твои́ сотвори́сте мя, и созда́сте мя: вразуми́ мя, и научу́ся за́поведем Твои́м. <sup>74</sup> Боя́щиися Тебе́ у́зрят мя и возвеселя́тся, я́ко на словеса́ Твоя́ упова́х. <sup>75</sup> Разуме́х Го́споди, я́ко пра́вда судьбы́ Твоя́, и вои́стинну смири́л мя еси́. <sup>76</sup> Буди́ же ми́лость Твоя́, да утэ́шит мя по словеси́ Твоему́ рабу́ Твоему́. <sup>77</sup> Да прии́дут мне щедро́ты Твоя́, и жив бу́ду, я́ко зако́н Твой поуче́ние моё́ есть. <sup>78</sup> Да посты́дятся гóрдии, я́ко неправедно́ беззакóнноваша на мя, аз же поглумлю́ся в за́поведех Твои́х. <sup>79</sup> Да обратя́т мя боя́щиися Тебе́, и ве́дящи свиде́ния Твоя́. <sup>80</sup> Буди́ сёрдце моё́ непоро́чно во оправда́ниях Твои́х, я́ко да не посты́жуся. <sup>81</sup> Исчеза́ет во спасе́ние Твоё́ душа́ моя́, на словеса́ Твоя́ упова́х. <sup>82</sup> Исчезо́ша о́чи мои́ в сло́во Твоё́, глаго́люще: когда́ утэ́шиши мя; <sup>83</sup> Зане́ бых я́ко мех на слане́: оправда́ний Твои́х не забы́х. <sup>84</sup> Коли́ко есть дней раба́ Твоего́; когда́ сотвори́ши ми от гоня́щих мя суд; <sup>85</sup> Повéдаша мне законопресту́пницы глумле́ния, но не я́ко зако́н Твой, Го́споди. <sup>86</sup> Вся за́поведи Твоя́ и́стина: неправедно́ погна́ша мя, помози́ ми. <sup>87</sup> Вмале́ не сконча́ша мене́ на земли́: аз же не оста́вих за́поведей Твои́х. <sup>88</sup> По ми́лости Твое́й живи́ мя, и сохрани́ю свиде́ния уст Твои́х. <sup>89</sup> Во век, Го́споди, сло́во Твоё́ пребы́вает на Небеси́. <sup>90</sup> В род и род и́стина Твоя́. Основáл еси́ землю́, и пребы́вает. <sup>91</sup> Учине́нием Твои́м пребы́вает день, я́ко вся́ческая рабо́тна Тебе́. <sup>92</sup> Я́ко а́ще бы не зако́н Твой поуче́ние моё́ был, тогда́ у́бо поги́бл бых во смире́нии моём. <sup>93</sup> Во век не забúду оправда́ний Твои́х, я́ко в них оживи́л мя еси́.

*[Среда́:]*

<sup>94</sup> Твой есмь аз, спаси́ мя, я́ко оправда́ний Твои́х взыска́х. <sup>95</sup>  
Мене́ жда́ша грéшницы погуби́ти мя, свиде́ния Твоя́ разуме́х. <sup>96</sup>  
Вся́кия кончи́ны ви́дех коне́ц, широка́ за́поведь Твоя́ зело́. <sup>97</sup>  
Коль возлюбих зако́н Твой, Го́споди, весь день поуче́ние моё́



есть. <sup>98</sup> Пáче враг мо́их умудри́л мя еси́ за́поведию Твое́ю, я́ко в век мо́я есть. <sup>99</sup> Пáче всех уча́щих мя разумéх, я́ко свидéния Тво́я поучéние моё́ есть. <sup>100</sup> Пáче стáрец разумéх, я́ко за́поведи Тво́я взыска́х. <sup>101</sup> От вся́каго пути́ лука́ва возбранíх ногáм мо́им, я́ко да сохрани́ю словеса́ Тво́я. <sup>102</sup> От судéб Тво́их не уклонíхся, я́ко Ты законоположи́л ми еси́. <sup>103</sup> Коль сладка́ гортáни моему́ словеса́ Тво́я, пáче мéда устóм мо́им. <sup>104</sup> От за́поведей Тво́их разумéх, сегó рáди возненавídех всяк путь неправды. <sup>105</sup> Светíльник ногáма мо́има закóн Твой, и свет стезя́м мо́им. <sup>106</sup> Кля́хся и поста́вих сохрани́ти судьбы́ правды Твое́я. <sup>107</sup> Смирíхся до зела́, Гóсподи, живи́ мя по словеси́ Твоему́. <sup>108</sup> Вóльная уст мо́их благоволи́ же, Гóсподи, и судьбáм Тво́им научи́ мя. <sup>109</sup> Душá мо́я в руку́ Твое́ю вьну́, и закóна Твоегó не забы́х. <sup>110</sup> Положи́ша грéшницы сеть мне, и от за́поведей Тво́их не заблуди́х. <sup>111</sup> Наслédовах свидéния Тво́я во век, я́ко рáдование сéрдца моего́ суть. <sup>112</sup> Приклонíх сéрдце моё́ сотвори́ти оправдáния Тво́я в век за воздая́ние. <sup>113</sup> Законопреступны́я возненавídех, закóн же Твой возлюбíх. <sup>114</sup> Помóщник мой и Заступник мой еси́ Ты, на словеса́ Тво́я упова́х. <sup>115</sup> Уклоните́ся от мене́ лука́внующи, и испыта́ю за́поведи Бóга моего́. <sup>116</sup> Заступи́ мя по словеси́ Твоему́, и жив б́уду, и не посрами́ мене́ от чáяния моего́. <sup>117</sup> Помози́ ми, и спасу́ся, и поучу́ся во оправдáниях Тво́их вьну́. <sup>118</sup> Уничжи́л еси́ вся отступа́ющия от оправдáний Тво́их, я́ко неправедно помышлéние их. <sup>119</sup> Преступáющия непщевáх вся грéшныя земли́, сегó рáди возлюбíх свидéния Тво́я. <sup>120</sup> Пригвозди́ страху́ Твоему́ плóти мо́я, от судéб бо Тво́их убоя́хся. <sup>121</sup> Сотвори́х суд и правду, не преда́ждь мене́ обидя́щим мя. <sup>122</sup> Восприими́ раба́ Твоегó во б́лаго, да не оклеветáют мене́ гóрдии. <sup>123</sup> Очи мо́и исчезóсте во спасéние Твое́, и в слóво правды Твое́я. <sup>124</sup> Сотвори́ с рабóм Тво́им по мíлости Твое́й, и оправдáнием Тво́им научи́ мя. <sup>125</sup> Раб Твой есмь аз: вразуми́ мя, и увéм свидéния Тво́я. <sup>126</sup> Время сотвори́ти Гóсподеви: разори́ша закóн Твой. <sup>127</sup> Сегó рáди возлюбíх за́поведи Тво́я пáче злáта и топа́зия. <sup>128</sup> Сегó рáди ко всем за́поведем Тво́им направля́хся, всяк путь неправды возненавídех. <sup>129</sup> Дíвна свидéния Тво́я, сегó

ради испытá я душа моя. <sup>130</sup> Явлéние словéс Твои́х просвещáет и вразумлáет млáдэнцы. <sup>131</sup> Устá моя отверзóх, и привлéкох дух, я́ко зáповедей Твои́х желáх.

Слава:

<sup>132</sup> При́зри на мя и помíлуй мя, по суду́ любящих íмя Твоé. <sup>133</sup> Стопы́ моя напра́ви по словеси́ Твоему́, и да не облада́ет мно́ю всякое беззакóние. <sup>134</sup> Избáви мя от клеветы́ человéческа, и сохраню́ зáповеди Твоя́. <sup>135</sup> Лице́ Твоé просвети́ на раба́ Твоего́, и научи́ мя оправдáнием Твоим. <sup>136</sup> Исхóдища водна́я изведóсте óчи мои́, понéже не сохранíх закóна Твоего́. <sup>137</sup> Прáведен еси́, Гóсподи, и пра́ви суди́ Твой. <sup>138</sup> Заповéдал еси́ прáвду свидéния Твоя́ и íстину зело́. <sup>139</sup> Истáяла мя есть ре́вность Твоя́, я́ко забы́ша словеса́ Твоя́ врази́ мои́. <sup>140</sup> Разжже́но сло́во Твоé зело́, и раб Твой возлюбí е. <sup>141</sup> Юне́йший аз есмь и уничиже́н, оправдáний Твои́х не забых. <sup>142</sup> Прáвда Твоя́ прáвда во век, и закóн Твой íстина. <sup>143</sup> Скóрби и ну́жды обретóша мя, зáповеди Твоя́ поучéние моé. <sup>144</sup> Прáвда свидéния Твоя́ в век, вразуми́ мя, и жив бóду. <sup>145</sup> Воззва́х всем сéрдцем моим, услы́ши мя, Гóсподи, оправдáния Твоя́ възщу́. <sup>146</sup> Воззва́х Ти, спаси́ мя, и сохраню́ свидéния Твоя́. <sup>147</sup> Предварíх в безгóдии и воззва́х, на словеса́ Твоя́ упова́х. <sup>148</sup> Предварíсте óчи мои́ ко úтру, поучи́тися словесéм Твоим. <sup>149</sup> Глас мой услы́ши, Гóсподи, по мíлости Твоéй: по судьбе́ Твоéй живи́ мя. <sup>150</sup> Приблíжишася гоня́щие мя беззакóнием, от закóна же Твоего́ удали́шася. <sup>151</sup> Близ еси́ Ты, Гóсподи, и вси путиé Твойí íстина. <sup>152</sup> Испéрва позна́х от свидéний Твои́х, я́ко в век основáл я еси́. <sup>153</sup> Виждь смире́ние моé и изми́ мя, я́ко закóна Твоего́ не забых. <sup>154</sup> Суди́ суд мой и избáви мя, словесé ради Твоего́ живи́ мя. <sup>155</sup> Далéче от грéшник спасéние, я́ко оправдáний Твои́х не взыска́ша. <sup>156</sup> Щедрóты Твоя́ мно́ги, Гóсподи, по судьбе́ Твоéй живи́ мя. <sup>157</sup> Мно́зи изгоня́щие мя и стужáющие ми, от свидéний Твои́х не уклонíхся. <sup>158</sup> Видех неразумевáющие и истáях, я́ко словéс Твои́х не сохранíша. <sup>159</sup> Виждь, я́ко зáповеди Твоя́ возлюбíх, Гóсподи, по мíлости Твоéй живи́ мя. <sup>160</sup> Нача́ло словéс Твои́х íстина, и во век вся судьбы́ прáвды Твоея́. <sup>161</sup> Кня́зи погна́ша мя ту́не, и от словéс

Твои́х убо́яся се́рдце моё. <sup>162</sup> Возра́дуюся аз о словеса́х Твои́х, я́ко обрета́яй коры́сть мно́гу. <sup>163</sup> Непра́вду возненави́дех и омерзѣх, зако́н же Твой возлюбѣх. <sup>164</sup> Седмери́цею днем хвали́х Тя о судьба́х пра́вды Твоея́. <sup>165</sup> Мир мног любя́щим зако́н Твой, и несть им собла́зна. <sup>166</sup> Ча́ях спасе́ния Твоего́, Го́споди, и за́поведи Твоя́ возлюбѣх. <sup>167</sup> Сохрани́ душа́ моя́ свиде́ния Твоя́ и возлюбѣ́ я́ зело́. <sup>168</sup> Сохрани́х за́поведи Твоя́ и свиде́ния Твоя́, я́ко вси пути́е моѣ́ пред Тобо́ю, Го́споди. <sup>169</sup> Да прибли́жится моле́ние моё́ пред Тя, Го́споди, по словеси́ Твоему́ вразуми́ мя. <sup>170</sup> Да вни́дет проше́ние моё́ пред Тя, Го́споди, по словеси́ Твоему́ изба́ви мя. <sup>171</sup> Отры́гнут устне́ моѣ́ пѣние, егда́ научи́ши мя оправда́нием Твои́м. <sup>172</sup> Провещаетъ язы́к мой словеса́ Твоя́, я́ко вся за́поведи Твоя́ пра́вда. <sup>173</sup> Да бу́дет рука́ Твоя́ е́же спасти́ мя, я́ко за́поведи Твоя́ изво́лих. <sup>174</sup> Возжелáх спасе́ние Твое́, Го́споди, и зако́н Твой поуче́ние моё́ есть. <sup>175</sup> Жива́ бу́дет душа́ моя́ и восхва́лит Тя, и судьбы́ Твоя́ помо́гут мне. <sup>176</sup> Заблуди́х, я́ко овча́ поги́бшее, взыщи́ раба́ Твоего́, я́ко за́поведей Твои́х не забы́х.

Слава:

**По 17-й кафисме. Трисвятое.**

*Таже тропари, глас 2:* Согрешѣх к Тебѣ́, Спа́се, я́ко блу́дный сын: приими́ мя, Отче, ка́ющагося, и поми́луй мя, Бо́же.

*Слава:* Зову́ к Тебѣ́, Христѣ́ Спа́се, мытарѣвымъ гла́сом: очисти́ мя я́коже о́наго и поми́луй мя, Бо́же.

*И ныне:* Богороди́це, не прѣзри́ мя тре́бующа заступле́ния Твоего́: на Тя бо упова́ душа́ моя́, и поми́луй мя.

Го́споди, поми́луй (40) и молитва:

Влады́ко Го́споди Вседержи́телю и Тво́рче всех, щедро́т Отец, и ми́лости Бог, от земли́ Созда́вый челове́ка, и показáвый его́ по о́бразу Твоему́ и по подо́бию, да и тем просла́вится великолѣ́пое имя́ Твое́ на земли́, и истор́гнена́ у́бо преступле́нием Твои́х за́поведей, па́ки на лу́чшее возсозда́вый его́ во Христѣ́ Твоём, и возведы́й на Небеса́: благодарю́ Тя, я́ко умно́жил еси́ на мне вели́чие Твое́, и не прѣдал мя еси́ враго́м моѣ́м в конце́, истор́гнути́ мя и́щущым в про́пасть а́дову, ниже́ оста́вил мя еси́ поги́бнути со беззакони́и моѣ́ми. Ны́не у́бо,

Многомилостиве и Любоблаже Господи, не хотяй смерти грешнаго, но обращения ожидай, и приемляй: иже низверженныя исправляй, сокрушенныя исцеляй, обрати и мене к покаянию, и низверженнаго исправи, и сокрушеннаго исцели: помяни Твоя щедроты, и яже от века Твою непостижимую благодать и моя безмерная забуди беззакония, яже делом и словом, и мыслию соверших: разреши ослепление сердца моего, и даждь ми слезы умиления на очищение скверны мысли моея. Услыши, Господи, вонми, Человеколюбче, очисти, Благоутробне, и от мучительства во мне царствующих страстей окайнную мою душу свободи. И не кому да содержит мя грех, ниже да возможет на мя боритель демон, ниже к своему хотению да ведет мя, но державною Твоею рукою, его владычества исхитивый мя, Ты царствуй во мне, Благий и Человеколюбивый Господи, и всего Твоего быти, и жити мне прочее по Твоей благоволи воли. И подаждь ми неизреченною благодатию сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благодать, кротость, веру нелицемерну, воздержание обдержательное, и всех мя благих плодов исполни, дарованием Святого Твоего Духа. И не возведи мене в преполовление, дней моих, ниже неисправлену и неготову душу мою восхитиши, но соверши мя Твоим совершенством, и тако мя настоящего жития изведи, яко да невозбранно прошед начала и власти тьмы, Твоею благодатию узрю и аз неприступныя Твоея славы доброту неизреченную, со всеми святыми Твоими, в нихже освятися, и прославися всечестное и великолепое имя Твое, Отца и Сына и Святого Духа, ныне и присно, и во веки веков, аминь.

## КАФИСМА ВОСЕМНАДЦАТАЯ

Песнь степеней, 119

<sup>1</sup> Ко Господу, внегда скорбети ми, возвах, и услыша мя. <sup>2</sup> Господи, избави душу мою от устен неправедных и от языка

льстіва. <sup>3</sup> Что да́стся тебе́, или́ что приложится тебе́ к язы́ку льстіву? <sup>4</sup> Стрѣлы си́льнаго изощре́ны, со у́гльми пусты́нными. <sup>5</sup> Увы́ мне, я́ко пришѣльствие моѐ продолж́ся, всели́хся с селѣнии Кидарскими. <sup>6</sup> Мно́го пришѣльствова душа́ моя́, с ненави́дящими ми́ра бех ми́рен: <sup>7</sup> егда́ глаго́лах им, боря́ху мя ту́не.

### Песнь степеней, 120

<sup>1</sup> Возведо́х о́чи мои́ в го́ры, отню́ду же при́дет по́мощь моя́. <sup>2</sup> По́мощь моя́ от Го́спода, сотво́ршаго не́бо и зе́млю. <sup>3</sup> Не даждь во смяте́ние но́ги твоея́, ниже́ воздрѣмлет храня́й тя, <sup>4</sup> се не воздрѣмлет, ниже́ уснет храня́й Изра́иля. <sup>5</sup> Госпо́дь сохранит́ тя, Госпо́дь покрóв твой на ру́ку десну́ю твою́. <sup>6</sup> Во дни со́лнце не ожже́т тебе́, ниже́ луна́ но́щью. <sup>7</sup> Госпо́дь сохранит́ тя от вся́каго зла, сохранит́ ду́шу твою́ Госпо́дь. <sup>8</sup> Госпо́дь сохранит́ вхожде́ние твоѐ и исхожде́ние твоѐ, отны́не и до ве́ка.

### Песнь степеней, 121

<sup>1</sup> Возвесели́хся о ре́кших мне: в дом Госпо́день по́йдем. <sup>2</sup> Стоя́ще бя́ху но́ги наша́ во дво́рех твои́х, Иерусали́ме. <sup>3</sup> Иерусали́м зи́ждемый я́ко град, ему́ же прича́стие его́ вку́пе. <sup>4</sup> Та́мо бо въздо́ша колѣна, колѣна Госпо́дня, свидѣ́ние Изра́илево, испове́даться и́мени Госпо́дню, <sup>5</sup> я́ко та́мо седо́ша престóли на суд, престóли в дому́ Дави́дове. <sup>6</sup> Вопроси́те же я́же о ми́ре Иерусали́ма: и оби́лие любя́щим тя. <sup>7</sup> Буди́ же мир в си́ле твое́й и оби́лие в столпостена́х твои́х. <sup>8</sup> Ра́ди бра́тий мои́х и бли́жних мои́х глаго́лах у́бо мир о тебе́. <sup>9</sup> До́му ра́ди Го́спода Бо́га на́шего взыска́х благая́ тебе́.

### Песнь степеней, 122

<sup>1</sup> К Тебе́ возведо́х о́чи мои́, живу́щему на Небеси́. <sup>2</sup> Се я́ко о́чи раб в руку́ господи́й свои́х, я́ко о́чи рабы́ни в руку́ госпожи́ своея́, та́ко о́чи наша́ ко Го́споду Бо́гу на́шему, донде́же ущѣдрит ны. <sup>3</sup> Поми́луй нас, Го́споди, поми́луй нас, я́ко по

мно́гу исполнихомся уничиже́ния, <sup>4</sup> наипа́че напо́лнися ду́ша  
на́ша поноше́ния гобзую́щих и уничиже́ния го́рдых.

### Песнь степеней, 123

<sup>1</sup> Я́ко а́ще не Госпо́дь бы был в нас, да рече́т у́бо Изра́иль, <sup>2</sup>  
я́ко а́ще не Госпо́дь бы был в нас, внегда́ воста́ти челове́ком на  
ны, у́бо живы́х пожэ́рли бы́ша нас, <sup>3</sup> внегда́ прогне́ватися я́рости  
их на ны, у́бо вода́ потопи́ла бы нас. <sup>4</sup> Потóк пре́йде ду́ша  
на́ша, <sup>5</sup> у́бо пре́йде ду́ша на́ша во́ду непостоя́нную. <sup>6</sup>  
Благослове́н Госпо́дь, Иже не даде́ нас в лови́тву зубо́м их. <sup>7</sup>  
Ду́ша на́ша, я́ко пти́ца изба́вися от се́ти ловя́щих: сеть  
сокруши́ся, и мы изба́влени бы́хом. <sup>8</sup> По́мощь на́ша во и́мя  
Го́спода, сотво́ршаго не́бо и зе́млю.

Слава:

### Песнь степеней, 124

<sup>1</sup> Наде́ющиеся на Го́спода, я́ко гора́ Сио́н: не подви́жится в  
век живы́й во Иерусали́ме. <sup>2</sup> Го́ры о́крест его́, и Госпо́дь о́крест  
люде́й Свои́х отны́не и до ве́ка. <sup>3</sup> Я́ко не оста́вит Госпо́дь жезла́  
гре́шных на жре́бий пра́ведных, я́ко да не про́струт пра́веднии в  
беззакóния рук свои́х. <sup>4</sup> Ублажи́, Го́споди, благия́ и пра́выя  
се́рдцем. <sup>5</sup> Уклоня́ющиеся же в развра́щения отве́дет Госпо́дь с  
де́лающими беззакóние. Мир на Изра́иля.

### Песнь степеней, 125

<sup>1</sup> Всегда́ возврати́ти Го́споду плен Сио́нь, бы́хом я́ко утешени.  
<sup>2</sup> Тогда́ исполни́шася ра́дости уста́ на́ша и язы́к наш весе́лия,  
тогда́ реку́т во язы́цех: возвели́чил е́сть Госпо́дь сотвори́ти с  
ни́ми. <sup>3</sup> Возвели́чил е́сть Госпо́дь сотвори́ти с на́ми: бы́хом  
веселя́щеся. <sup>4</sup> Возврати́, Го́споди, плене́ние на́ше, я́ко пото́ки  
ю́гом. <sup>5</sup> Се́юшии слеза́ми, ра́достью по́жнут. <sup>6</sup> Ходя́щии хожда́ху  
и пла́кахуся, мета́юще се́мена своя́, гряду́ще же при́дут  
ра́достью, взе́млюше рукоя́ти своя́.

### Песнь степеней, 126

<sup>1</sup> Аще не Господь созиждет дом, все трудящиеся зиждущи. Аще не Господь сохранит град, все бде стрегий. <sup>2</sup> Все вам есть утревати, востанете по седении, ядущи хлеб болезни, егда даст возлюбленным Своим сон. <sup>3</sup> Се достояние Господне сынове, мзда плода чревного. <sup>4</sup> Яко стрелы в руке сильного, тако сынове потрясенных. <sup>5</sup> Блажен, иже исполнит желание свое от них. Не постыдятся, егда глаголют врагом своим во вратех.

### Песнь степеней, 127

<sup>1</sup> Блажени вси боящиеся Господа, ходящие в путех Его. <sup>2</sup> Труды плодов Твоих снеси: блажен еси, и добро тебе будет. <sup>3</sup> Жена твоя, яко лоза, плодовита в странах дому твоего, сынове твои, яко новосаждения масличная, окрест трапезы твоея. <sup>4</sup> Се тако благословится человек боящийся Господа. <sup>5</sup> Благовестит тя Господь от Сиона, и узриши благая Иерусалима вся дни живота твоего, <sup>6</sup> и узриши сыны сынов твоих. Мир на Израиля.

### Песнь степеней, 128

<sup>1</sup> Множищею бращася со мною от юности моея, да речет убо Израиль: <sup>2</sup> множищею бращася со мною от юности моея, ибо не премогаша мя. <sup>3</sup> На хребте моем делаша грешницы, продолжиша беззаконие свое. <sup>4</sup> Господь Праведен ссечех выи грешников. <sup>5</sup> Да постыдятся и возвратятся вспять вси ненавидящие Сиона. <sup>6</sup> Да будут, яко трава на здох, яже прежде восторжения иже, <sup>7</sup> еуже не исполни руки своея жней, и недра своего рукояти собираяй, <sup>8</sup> и не реша мимоходящие: благословение Господне на вы, благословихом вы во имя Господне.

Слава:

### Песнь степеней, 129

<sup>1</sup> Из глубины возвах к Тебе, Господи, Господи, услыши глас мой. <sup>2</sup> Да будут уши Твои внимлюще гласу моления моего. <sup>3</sup> Аще беззакония назириши, Господи, Господи, кто постоит? Яко

у Тебѣ очищѣние есть. <sup>4</sup> Имене ради Твоего потерпѣх Тя, Господи, потерпѣ душа моя в слово Твое, упова душа моя на Господа. <sup>5</sup> От стражи утрення до нощи, от стражи утрення да уповает Израиль на Господа. <sup>6</sup> Яко у Господа милость, и многое у Него избавление, и Той избавит Израиля от всех беззаконий его.

### Песнь степеней, 130

<sup>1</sup> Господи, не вознесѣся сердце мое, ниже вознесѣтся очи мой, ниже ходих в великих, ниже в дивных паче мене. <sup>2</sup> Аще не смиреномудрствовах, но вознесох душу мою, яко отдоеное на мать свою, тако воздаси на душу мою. <sup>3</sup> Да уповает Израиль на Господа, отныне и до века.

### Песнь степеней, 131

<sup>1</sup> Помяни, Господи, Давида и всю кротость его: <sup>2</sup> яко клятсѣ Господеви, обещаѣся Богу Иаковлю: <sup>3</sup> аще вниду в селѣние дому моего, или взыду на одр постѣли моея, <sup>4</sup> аще дам сон очима моима и веждама моима дреманіе, и покой скраниама моима, <sup>5</sup> дондеже обрящу мѣсто Господеви, селѣние Богу Иаковлю. <sup>6</sup> Се слышахом я во Евфрафе, обретохом я в полях дубравы. <sup>7</sup> Внидем в селѣния Его, поклонимся на мѣсто, идеже стоясте ноге Его. <sup>8</sup> Воскресни, Господи, в покой Твой, Ты и кивот святыни Твоея. <sup>9</sup> Священницы Твой облекутсѣ правдою, и преподобнии Твой возрадуются. <sup>10</sup> Давида ради раба Твоего не отврати лице помазаннаго Твоего. <sup>11</sup> Клятсѣ Господь Давиду истиною и не отвержется ея: от плода чрева твоего посажду на престоле твоѣм. <sup>12</sup> Аще сохранят сынове твой завет Мой, и свидѣния Моя сия, имже научу я, и сынове их до века сядут на престоле твоѣм. <sup>13</sup> Яко избра Господь Сиона, изволи и в жилище Себе. <sup>14</sup> Сей покой Мой во век века, zde вселюся, яко изволих и. <sup>15</sup> Ловитву его благословляяй благословлю, нищыя его насыщу хлѣбы, <sup>16</sup> священники его облеку во спасѣние, и преподобнии его радостію возрадуются. <sup>17</sup> Тамо возвращу рог



Давидови, уготовах светильник помазанному Моему. <sup>18</sup> Враги его облеку студом, на немже процветет святыня Моя.

### Песнь степеней, 132

<sup>1</sup> Се что добро, или что красно, но еже жити братии вкупе? <sup>2</sup> Яко миро на главѣ, сходящее на брадѹ, брадѹ Аарону, сходящее на ометы одѣжды его, <sup>3</sup> яко роса Аермонская сходящая на горы Сионския, яко тамо заповѣда Господь благословѣние и живот до века.

### Песнь степеней, 133

<sup>1</sup> Се ныне благословите Господа вси раби Господни, стоящие в храме Господни, во дворех дому Бога нашего, <sup>2</sup> В нощех воздежите руки ваша во святая, и благословите Господа. <sup>3</sup> Благословит тя Господь от Сиона, сотворивый небо и землю  
Слава:

#### По 18-й кафисме, Трисвятое

*Таже тропари, глас 2:* Прѣжде даже не осудиши мя, Господи мой, Господи, даждь ми обращѣние, и исправлѣние многих моих грехов, даждь ми умилѣние духовное, яко да возопию к Тебѣ: Благоутробне, Человеколюбче Божѣ мой, спаси мя.

*Слава:* Несмысленным скотом уподобивыйся аз, блудный, приложихся им: обращѣние ми даруй, Христѣ, яко да приму у Тебѣ велию милость.

*И ныне:* Не отврати, Владычице, лица Твоего от мене, молящагося Тебѣ, но, яко Благоутробная Мати Щедраго Бога, потщися прѣжде конца обращѣние мне даровати, яко да спасся Тобою, воспою Тя, яко спасѣние и упованіе мое, непосрамленное, Госпоже моя.

Господи, помилуй (40) и молитва:

Господи, да не яростию Твоею обличиши мене, ниже гневом Твоим накажеши мя. Владыко Господи Иисусе Христѣ, Сыне Бога Живаго, помилуй мя, грешнаго, нищаго, обнаженнаго, лениваго, нерадиваго, прекословнаго, окаяннаго, блудника, прелюбодѣя, малакия, мужеложника, сквернаго, блуднаго, неблагодарнаго, немилостиваго, жестокаго, пьяницу, сожженнаго

совестию, безличнаго, бездерзновѣннаго, безответнаго, недостойнаго Твоего человеколѹбїа, и достойна всякаго мучѣнїа, и геѣнны, и мѹки. И не ради множества толиких моих согрѣшенїй множеству подложїши, избавителю, мук; но помилуй мя, яко немощен есмь, и душею, и плотию, и разумом, и помышлѣнием, и имиже вѣси судьбами спасї мя, недостойнаго раба Твоего, молитвами Пречїстыя Владычицы нашея Богородицы, и всех святых, от вѣка Тебѣ благоугождших: яко благословѣн еси во вѣки веков, аминь.

## КАФИСМА ДЕВЯТНАДЦАТАЯ

Аллилуиа, 134

<sup>1</sup> Хвалите имя Господне, хвалите, раби Господа, <sup>2</sup> стоящи во храме Господни, во дворех дому Бога нашего. <sup>3</sup> Хвалите Господа, яко Благ Господь, пойте имени Его, яко добро: <sup>4</sup> яко Иакова избра Себѣ Господь, Израїля в достояние Себѣ. <sup>5</sup> Яко аз познах, яко Велий Господь, и Господь наш над всеми боги. <sup>6</sup> Вся елика восхотѣ Господь, сотвори на небеси и на земли, в морях и во всех безднах. <sup>7</sup> Возводя облаки от послѣдних земли, молнии в дождь сотвори, изводяй ветры от сокровищ Своих. <sup>8</sup> Иже порази первенцы Егїпетския, от человека до скота. <sup>9</sup> Посла знаменїа и чудеса посреде Тебѣ, Егїпте, на фараона и на вся рабы его. <sup>10</sup> Иже порази языки многи и избї царї крепки: <sup>11</sup> Сиона, царя Аморрейска, и Ога, царя Васанска, и вся царствїа Ханаанска, <sup>12</sup> и даде землю их достояние, достояние Израїлю, людем Своим. <sup>13</sup> Господи, имя Твое в век и память Твоя в род и род: <sup>14</sup> яко судити имать Господь людем Своим, и о рабех Своих умолится. <sup>15</sup> Идоли язык, сребро и злато, дела рук человеческих. <sup>16</sup> Уста имут, и не возлагют, очи имут, и не узрят, <sup>17</sup> уши имут, и не услышат, ниже бо есть дух во устех их. <sup>18</sup> Подобни им да будут творящи я, и вси надеющїися на ня. <sup>19</sup> Доме Израїлев, благословите Господа, доме Ааронь, благословите Господа, доме Левїин, благословите Господа. <sup>20</sup>

Боящиися Гóспода, благословите Гóспода. <sup>21</sup> Благословен  
Госпóдь от Сиóна, живый во Иерусалиме.

Аллилуиа, 135

<sup>1</sup> Исповéдайтеся Гóсподеви, яко благ, яко в век мiлость Его. <sup>2</sup>  
Исповéдайтеся Бóгу богóв, яко в век мiлость Его. <sup>3</sup>  
Исповéдайтеся Гóсподеви господей, яко в век мiлость Его. <sup>4</sup>  
Сотворшему чудеса вéлия единому, яко в век мiлость Его. <sup>5</sup>  
Сотворшему небеса рáзумом, яко в век мiлость Его. <sup>6</sup>  
Утвердившему зéмлю на водах, яко в век мiлость Его. <sup>7</sup>  
Сотворшему светила вéлия единому, яко в век мiлость Его. <sup>8</sup>  
Сóлнце во óбласть дне, яко в век мiлость Его. <sup>9</sup> Луну и звéзды  
во óбласть нóщи, яко в век мiлость Его. <sup>10</sup> Поразившему Егiпта  
с пéрвенцы его, яко в век мiлость Его, <sup>11</sup> и изведшему Израиля  
от среды их, яко в век мiлость Его. <sup>12</sup> Рукою крéпкою и  
мышцею высóкою, яко в век мiлость Его. <sup>13</sup> Раздэльшему  
Чермное мóре в разделéния, яко в век мiлость Его. <sup>14</sup> И  
проведшему Израиля посреде его, яко в век мiлость Его. <sup>15</sup> И  
истрясшему фараона и силу его в мóре Чермное, яко в век  
мiлость Его. <sup>16</sup> Проведшему люди Своя в пустыни, яко в век  
мiлость Его. <sup>17</sup> Поразившему царя вéлия, яко в век мiлость  
Его, <sup>18</sup> и убившему царя крéпкия, яко в век мiлость Его: <sup>19</sup>  
Сиона, царя Аморрейска, яко в век мiлость Его, <sup>20</sup> и Ога, царя  
Васанска, яко в век мiлость Его. <sup>21</sup> И давшему зéмлю их  
достояние, яко в век мiлость Его. <sup>22</sup> Достояние Израилю, рабу  
Своему, яко в век мiлость Его. <sup>23</sup> Яко во смиреннии нашем  
помяну ны Госпóдь, яко в век мiлость Его. <sup>24</sup> И избавил ны  
есть от врагов наших, яко в век мiлость Его. <sup>25</sup> Дай пищу  
всякой плóти, яко в век мiлость Его. <sup>26</sup> Исповéдайтеся Бóгу  
Небесному, яко в век мiлость Его.

Давиду Иеремием, 136

<sup>1</sup> На реках Вавилонских, тамо седóхом и плакахом, внегда  
помянути нам Сиона. <sup>2</sup> На вербиих посреде его обесихом органы  
наша. <sup>3</sup> Яко тамо вопросиша ны пленшии нас о словесех пéсней

и вѣдшии нас о пѣнии: воспойте нам от пѣсней Сиѳнских. <sup>4</sup>  
Како воспоем пѣснь Господню на земли чуждѣй? <sup>5</sup> Аще забуду  
тебѣ, Иерусалиме, забвѣна буди десница моя. <sup>6</sup> Прильпни язык  
мой гортани моему, аще не помяну тебѣ, аще не предложу  
Иерусалима, яко в началѣ веселія моего. <sup>7</sup> Помяни, Господи,  
сыны Едомскія, в день Иерусалимль глаголющія: истощайте,  
истощайте до основаній его. <sup>8</sup> Дщи Вавилоня окаянная, блажен  
иже воздаст тебѣ воздаянне твоѣ, еже воздала еси нам. <sup>9</sup>  
Блажен иже имет и разбиет младенцы твоѣ о камень.

Слава:

### Псалом Давиду, Аггеа и Захарии, 137

<sup>1</sup> Исповѣмся Тебѣ, Господи, всем сердцем моим, и пред  
Ангелы воспую Тебѣ, яко слышал еси вся глаголы уст моих. <sup>2</sup>  
Поклонюся ко храму святому Твоему и исповѣмся имени  
Твоему о милости Твоей и истине Твоей, яко возвеличил еси  
над всем имя Твоѣ святое. <sup>3</sup> Вонъже аще день призову Тя,  
скоро услыши мя: умножиши мя в души моей силою Твоею. <sup>4</sup>  
Да исповѣдятся Тебѣ, Господи, вси царие зѣмстии, яко  
услышаша вся глаголы уст Твоих, <sup>5</sup> и да воспойт в путѣх  
Господних, яко велия слава Господня, <sup>6</sup> яко Высѳк Господь, и  
смирѣнныя призирает, и высѳкая издалѣча вѣсть. <sup>7</sup> Аще пойду  
посредѣ скорби, живиши мя, на гнев враг моих простѣрл еси  
руку Твою, и спасѣ мя десница Твоѣ. <sup>8</sup> Господь воздаст за мя.  
Господи, милость Твоѣ во век, дел руку Твоею не презри.

### В конец Давиду, псалом Захариин в разсеянии, 138

<sup>1</sup> Господи, искусил мя еси и познал мя еси. Ты познал еси  
седаніе мое и востаніе мое. <sup>2</sup> Ты разумѣл еси помышленія моя  
издалѣча: <sup>3</sup> стезю мою и уже мое Ты еси изслѣдовал, и вся пути  
моѣ провидѣл еси. <sup>4</sup> Яко несть лести в языке моем: се, Господи,  
Ты познал еси. <sup>5</sup> Вся последняя и древняя: Ты создал еси мя, и  
положил еси на мне руку Твою. <sup>6</sup> Удивися разум Твой от менѣ,  
утвердися, не возмогу к нему. <sup>7</sup> Камо пойду от Духа Твоего? И  
от лица Твоего камо бежу? <sup>8</sup> Аще взыду на небо – Ты тамо

еси́, аще сніду во ад – та́мо еси́. <sup>9</sup> Аще возму́ криле́ мой рано́ и вселю́ся в послѣдних мѳря – <sup>10</sup> и та́мо бо рука́ Твоя́ наставит мя и удержит мя десница́ Твоя́. <sup>11</sup> И рех: еда́ тма поперѣт мя, и но́щь просвѣщеніе в сла́дости мое́й? <sup>12</sup> Яко тма не помрачѣтся от Тебе́, и но́щь, яко́ день, просветѣтся, яко́ тма ея́, тако́ и свет ея́. <sup>13</sup> Яко Ты созда́л еси́ утробы́ моя́, восприя́л мя еси́ из чрева́ ма́тере мое́я. <sup>14</sup> Испове́мся Тебе́, яко́ стра́шно удивѣлся еси́: чу́дна дела́ Твоя́, и душа́ моя́ знаѣт зело́. <sup>15</sup> Не утайся кость моя́ от Тебе́, ю́же сотвори́л еси́ в та́йне, и состав́ мой в преиспѳдних земли́. <sup>16</sup> Несодѣланное моѣ́ видесте ѳчи Твоя́, и в кни́зе Твое́й вси напи́шутся, во днѣх сози́ждутся и никто́же в них. <sup>17</sup> Мне же зело́ че́стни бы́ша друзи́ Твоя́, Бо́же, зело́ утверди́шася влады́чества их. <sup>18</sup> Изочту́ их, и па́че песка́ умно́жатся; воста́х, и еще́ есмь с Тобо́ю. <sup>19</sup> Аще избие́ши грѣшники, Бо́же, му́жие кровѣй, уклонѣтся от мене́. <sup>20</sup> Яко́ ревни́ви естѣ в помышлѣниях, при́мут в суету́ грады́ Твоя́. <sup>21</sup> Не ненави́дящыя ли Тя, Го́споди, возненави́дѣх, и о вразѣх Твои́х истая́х? <sup>22</sup> Соверше́нною ненави́стию возненави́дѣх я́, во враги́ бы́ша ми. <sup>23</sup> Искуси́ мя, Бо́же, и увѣждь се́рдце моѣ́, истяжи́ мя и разумѣ́й стези́ моя́, <sup>24</sup> и виждь, аще путь беззакѳнія во мне, и настави́ мя на путь вѣчен.

### В ко́нѣц, псалом Давиду, 139

<sup>1</sup> Изми́ мя, Го́споди, от челове́ка лука́ва, от му́жа неправедна́ изба́ви мя, <sup>2</sup> и́же помысли́ша неправду́ в се́рдце, весь день ополча́ху бра́ни, <sup>3</sup> изостри́ша язы́к свой, яко́ зми́н, яд а́спидов под устна́ми их. <sup>4</sup> Сохрани́ мя, Го́споди, из ру́ки грѣшничѣ, от челове́к неправедных изми́ мя, и́же помысли́ша запы́ти стопы́ моя́. <sup>5</sup> Скры́ша го́рдѣи сеть мне, и у́жы препя́ша сеть но́гама мо́йма. <sup>6</sup> При стези́ собла́зны положи́ша ми. <sup>7</sup> Рех Го́сподеви: Бог мой еси́ Ты, внуши́, Го́споди, глас моле́ния моего́. <sup>8</sup> Го́споди, Го́споди, си́ло спасѣ́ния моего́, осенѣ́л еси́ над главо́ю моѣю́ в день бра́ни. <sup>9</sup> Не преда́ждь мене́, Го́споди, от желанія́ моего́ грѣшнику: помысли́ша на мя, не оста́ви мене́, да не когда́ вознесу́тся. <sup>10</sup> Глава́ окру́жения их, труд усте́н их покры́ет я́. <sup>11</sup>

Падут на них угля огненная, низложивши я в страстях, и не постоят. <sup>12</sup> Муж язычен не исправится на земли: мужа неправедна злая уловят во истление. <sup>13</sup> Познах, яко сотворит Господь суд нищим и месть убогим. <sup>14</sup> Обаче праведнии исповедятся имени Твоему, и вселятся правии с лицом Твоим.

Слава:

### Псалом Давиду, 140

<sup>1</sup> Господи, воззвах к Тебе, услыши мя: вонми гласу моления моего, внегда воззвати ми к Тебе. <sup>2</sup> Да исправится молитва моя, яко кадило пред Тобою, воздеяние руку мою – жертва вечерняя. <sup>3</sup> Положи, Господи, хранение устом моим, и дверь ограждения о устнах моих. <sup>4</sup> Не уклони сердце мое в словеса лукавствия, непщевати вины о гресех, с человеки делающими беззаконие, и не сочтуса со избранными их. <sup>5</sup> Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. <sup>6</sup> Пожертвы быша при камени судий их: услышатся глаголи мой, яко возмогоса. <sup>7</sup> Яко толща земли проседеса на земли, расточишася кости их при аде. <sup>8</sup> Яко к Тебе, Господи, Господи, очи мой: на Тя уповах, не отыми душу мою. <sup>9</sup> Сохрани мя от сети, юже составиша ми, и от соблазн делающих беззаконие. <sup>10</sup> Падут во мрежу свою грешницы: един есмь аз, дондеже преиду.

Разума Давиду,  
внегда быти ему  
в вертпе молящемуся, 141

<sup>2</sup> Гласом моим ко Господу воззвах, гласом моим ко Господу помолихся. <sup>3</sup> Пролию пред Ним моление мое, печаль мою пред Ним возвещу. <sup>4</sup> Внегда исчезати от мене духу моему: и Ты познал еси стези моя: на пути сем, по немуже хождах, скривша сеть мне. <sup>5</sup> Смотрях одесную и взглядах, и не бе знаяй мене: погибе бегство от мене, и несть взыскавая душу мою. <sup>6</sup> Воззвах к Тебе, Господи, рех: Ты еси упование мое, часть моя еси на земли живых. <sup>7</sup> Вонми молению моему, яко смирихся зело,

избави мя от гонящих мя, яко укрепішася паче менé. <sup>8</sup> Изведи из темницы дúшу мою, исповéдатися имени Твоему. Менé ждут праведницы, дóндеже воздási мне.

Псалом Давиду,  
егдá гоняше его  
Авессалом, сын его, 142

<sup>1</sup> Гóсподи, услыши молитву мою, внуши моление моé во истине Твоéй, услыши мя в правде Твоéй <sup>2</sup> и не вниди в суд с рабóм Твоим, яко не оправдится пред Тобою всяк живый. <sup>3</sup> Яко погна враг дúшу мою, смирил есть в зéмлю живóт мой, посадил мя есть в тёмных, яко мёртвыя вéка. <sup>4</sup> И уны во мне дух мой, во мне смятёся сёрдце моé. <sup>5</sup> Помянух дни дрéвния, поучихся во всех дéлах Твоих, в творéниях руку Твоёю поучахся. <sup>6</sup> Воздéх к Тебé рúце мой, душа моя, яко земля безводная Тебé. <sup>7</sup> Скóро услыши мя, Гóсподи, исчезé дух мой, не отврати лица Твоего от менé, и уподоблюся низходящым в ров. <sup>8</sup> Слышану сотвори мне заúтра милость Твою, яко на Тя уповах. Скажи мне, Гóсподи, путь вóньже пойду, яко к Тебé взях дúшу мою. <sup>9</sup> Изми мя от враг моих, Гóсподи, к Тебé прибегах. <sup>10</sup> Научи мя творити волю Твою, яко Ты еси Бог мой. Дух Твой Благий наставит мя на зéмлю праву. <sup>11</sup> Имене Твоего ради, Гóсподи, живиши мя, правдою Твоёю изведёши от пéчали дúшу мою. <sup>12</sup> И милостию Твоёю потребиши враги моя и погубиши вся стужающыя души моéй, яко аз раб Твой есмь.

Слава:

### По 19-й кафисме, Трисвятое

*Таже тропари, глас 7:* Благодаря, славлю Тя, Бóже мой, яко всем дал еси грéшником покаяние. Спасе, не посрами менé, егдá прийдёши судити мiру всему, срамная дела сотворшаго.

*Слава:* Безмёрная Тебé прегрешив и безмёрных мучéний ожидаю, Бóже мой, ущéдрив, спаси мя.

*И ныне:* Ко мнóжеству милости Твоея ныне прибегаю: разреши вериги, Богородице, согрешений моих.

Гóсподи, помилуй (40) и молитва:

Владыко Христэ Бóже, Иже Страстьми Твоими страсти моя исцелимый и язвами Твоими язвы моя уврачевавый, даруй мне, мно́го Тебе прегрешившему, слезы умиления, сраствори моему́ телу от обоняния животворящаго Тела Твоего́, и наслади́ ду́шу мою́ Твоею́ Честною́ Кро́вию от го́рести, е́юже мя сопроти́вник напои́. Возвы́си мой ум к Тебе́, до́лу привлéкшийся, и возведи́ от про́пасти поги́бели, я́ко не има́м пока́яния, не има́м умиления, не има́м слезы́ утешительныя, возводя́щая ча́да ко своему́ насле́дию. Омрачи́хся умом в житейских страстех, не могу́ возрети́ к Тебе́ в болéзни, не могу́ согрети́ся слезами́, я́же к Тебе́ любве́, но, Владыко́ Го́споди, Иисусе́ Христэ́, Сокроти́ще Благо́х, даруй мне пока́яние всецелое, и се́рдце люботру́дное во взыскание́ Твое́, даруй мне благода́ть Твою́, и обнови́ во мне зра́ки Твоего́ о́браза. Оста́вих Тя, не оста́ви мене́, изы́ди на взыскание́ мое́, возведи́ к па́жити Твое́й, и сопричти́ мя овца́м избра́ннаго Твоего́ ста́да, воспита́й мя с ними́ от зла́ка Божественных Твои́х та́инств, моли́твами Пречи́стыя Твоея́ Ма́тере и всех святы́х Твои́х, ами́нь.

## КАФИСМА ДВАДЦАТАЯ

Псалом Давиду, к Голиафу, 143

<sup>1</sup> Благословен Господь Бог мой, научаяй рúце мой на ополчение, персты моя на брань. <sup>2</sup> Милость моя и прибежище мое, Заступник мой и Избавитель мой, Защититель мой, и на Него́ упова́х: повинуйай люди́ моя под мя. <sup>3</sup> Го́споди, что есть человек, я́ко позна́лся еси́ ему? Или́ сын челове́чь, я́ко вменяеши его́? <sup>4</sup> Человек суете́ уподобися: дни́е его́ я́ко сень прехо́дят. <sup>5</sup> Го́споди, приклони́ небеса́, и сни́ди, косни́ся гора́м, и воздыма́тся. <sup>6</sup> Блесни́ мо́лнию, и разжене́ши я́, послí стрéлы Твоя́, и смяте́ши я́. <sup>7</sup> Посли́ рúку Твою́ с высоты́, изми́ мя и изба́ви мя от вод мно́гих, из руки́ сыно́в чужди́х, <sup>8</sup> ихже уста́ глаго́лаша суету́, и десни́ца их – десни́ца неправды. <sup>9</sup> Бóже, песнь но́ву воспою́ Тебе́, во псалти́ри десятистру́ннем пою́ Тебе́,



<sup>10</sup> дающему спасение царём, избавляющему Давида, раба Своего, от мечá люта. <sup>11</sup> Избáви мя, и изми́ мя из рúки сыно́в чужди́х, ихже уста́ глаго́лаша суету́, и десни́ца их – десни́ца неправды. <sup>12</sup> Ихже сы́нове их я́ко новосаждéния водружéнная в юности своéй. Дщéри их удóбрены, преукра́шены, я́ко подóбие хра́ма. <sup>13</sup> Храни́лища их исполнена, отрыга́ющая от сегó в сиé, óвцы их многоплóдны, мно́жащяся во исхо́дищах сво́их, волóве их тóлсти. <sup>14</sup> Несть падéния оплóту, ниже́ прохóда, ниже́ во́пля в стóгнах их. <sup>15</sup> Ублажи́ша лю́ди, имже сия́ суть. Блажéни лю́дие, имже Госпóдь Бог их.

### Хвала Давиду, 144

<sup>1</sup> Вознесу́ Тя, Бóже мой, Царю́ мой, и благословлю́ имя Твоé в век и в век вéка. <sup>2</sup> На всяк день благословлю́ Тя и восхва́лю имя Твоé в век и в век вéка. <sup>3</sup> Вéлий Госпóдь и хва́лен зело́, и вели́чию Его́ несть конца́. <sup>4</sup> Род и род восхва́лят дела́ Твоя́ и си́лу Твою́ возвестя́т. <sup>5</sup> Великолéпие сла́вы святы́ни Твоея́ возглаго́лют и чудеса́ Твоя́ пове́дят. <sup>6</sup> И си́лу стра́шных Тво́их реку́т и вели́чие Твоé пове́дят. <sup>7</sup> Па́мь мнóжества блага́сти Твоея́ отры́гнут и пра́вдою Твоею́ возра́дуются. <sup>8</sup> Щедр и Мило́стив Госпóдь, Долготерпели́в и Многоми́лостив. <sup>9</sup> Благ Госпóдь вся́ческим, и щедрóты Его́ на всех дéлех Его́. <sup>10</sup> Да испове́дятся Тебе́, Го́споди, вся дела́ Твоя́, и преподо́бнии Тво́и да благословя́т Тя. <sup>11</sup> Сла́ву Цáрствия Твоего́ реку́т, и си́лу Твою́ возглаго́лют, <sup>12</sup> сказа́ти сыновóм челове́ческим си́лу Твою́, и сла́ву великолéпия Цáрствия Твоего́. <sup>13</sup> Цáрство Твоé, Цáрство всех векóв, и влады́чество Твоé во вся́ком ро́де и ро́де. Вéрен Госпóдь во всех словесéх Сво́их и Преподо́бен во всех дéлех Сво́их. <sup>14</sup> Утвержда́ет Госпóдь вся низпада́ющыя и возставляет вся низвэ́рженныя. <sup>15</sup> Очи всех на Тя упова́ют, и Ты даéши им пи́щу во благовре́мени. <sup>16</sup> Отверза́еши Ты рúку Твою́ и исполня́еши вся́кое живóтно благово́ления. <sup>17</sup> Пра́веден Госпóдь во всех путéх Сво́их и Преподо́бен во всех дéлех Сво́их. <sup>18</sup> Близ Госпóдь всем призыва́ющим Его́, всем призыва́ющим Его́ во и́стине. <sup>19</sup> Во́лю боя́щихся Его́ сотвори́т и моли́тву их услы́шит и спасёт я́. <sup>20</sup> Храни́т Госпóдь вся любя́щыя Его́ и вся

грѣшники потребѣтъ. <sup>21</sup> Хвалу́ Господню́ возглаго́лют уста́ моя́, и да благослови́тъ вся́ка плоть́ и́мя свято́е Его́ в век и в век ве́ка.

Слава:

Аллилуиа, Аггеа и Захарии, 145

<sup>1</sup> Хвали́, душе́ моя́, Го́спода. <sup>2</sup> Восхваляю́ Го́спода в животѣ́ моёмъ, пою́ Бо́гу моему́, до́ндеже есмь. <sup>3</sup> Не надѣ́йтесь на кня́зи, на сы́ны челове́ческаго, в ни́хже несть спасѣ́ния. <sup>4</sup> Изы́дет духъ его́ и возврати́тся в зе́млю свою́. В той день поги́бнут вся помышлѣ́ния его́. <sup>5</sup> Блаже́н, ему́же Богъ Иа́ковль Помо́щникъ, упова́ние его́ на Го́спода Бо́га своего́, <sup>6</sup> сотвори́шаго не́бо и зе́млю, мо́ре и вся, я́же в нихъ, храня́щаго и́стину в векъ, <sup>7</sup> твори́щаго судъ оби́димымъ, даю́щаго пи́щу а́лчущимъ. Госпо́дь реши́тъ окованны́я. <sup>8</sup> Госпо́дь умудря́ет слепцы́. Госпо́дь возводи́тъ низверженны́я. Госпо́дь лю́битъ пра́ведники. <sup>9</sup> Госпо́дь хранитъ пришельцы́, си́ра и вдову́ прии́метъ и путь грѣ́шныхъ погуби́тъ. <sup>10</sup> Воцари́тся Госпо́дь во векъ, Богъ твой, Си́оне, в родъ и родъ.

Аллилуиа, 146

<sup>1</sup> Хвалите́ Го́спода, я́ко благъ псаломъ. Бо́гови на́шему да услади́тся хвалѣ́ние. <sup>2</sup> Зи́ждай Иерусали́ма Госпо́дь, разсе́яныя Израи́лева собере́тъ. <sup>3</sup> Исцеля́й сокруше́нныя се́рдцемъ и обяза́й сокруше́ния ихъ. <sup>4</sup> Исчита́й мно́жество звездъ и всемъ имъ имена́ нарица́й. <sup>5</sup> Ве́лий Госпо́дь нашъ, и ве́лия кре́пость Его́, и ра́зума Его́ несть числа́, <sup>6</sup> Прие́мляй кро́ткия Госпо́дь, смиря́й же грѣшники́ до земли́. <sup>7</sup> Начните́ Го́сподеву́ во испове́дании, пойте́ Бо́гови на́шему в гу́слехъ. <sup>8</sup> Одева́ющему не́бо о́блаки, угото́вляющему земли́ дождьъ, прозяба́ющему на гора́хъ траву́ и злакъ на службу́ челове́комъ, <sup>9</sup> даю́щему ското́мъ пи́щу ихъ, и птенце́мъ вра́новымъ призыва́ющимъ Его́. <sup>10</sup> Не в си́ле ко́нстей восхо́щетъ, ниже́ в лы́стехъ му́жескихъ благоволи́тъ. <sup>11</sup> Благоволи́тъ Госпо́дь в боя́щихся Его́ и во упова́ющихъ на ми́лость Его́.

Аллилуиа, Аггеа и Захарии, 147

<sup>1</sup> Похвали́, Иерусали́ме, Го́спода, хвали́ Бо́га Твоего́, Сио́не, <sup>2</sup>  
я́ко укрепí верей врат Твои́х, благослови́ сы́ны твоя́ в тебе. <sup>3</sup>  
Полага́яй преде́лы Твоя́ мир, и ту́ка пшени́чна насыща́яй тя. <sup>4</sup>  
Посыла́яй сло́во Своё земли́, до ско́рости течёт сло́во Его, <sup>5</sup>  
даю́щаго снег Свой, я́ко во́лну, мглу, я́ко пёпел, посыпа́ющаго,  
<sup>6</sup> мета́ющаго го́лоть Свой, я́ко хлёбы. Проти́ву лица́ мра́за Его́  
кто постои́т? <sup>7</sup> По́слет сло́во Своё, и истаёт я́, дхнет дух Его́, и  
потеку́т во́ды. <sup>8</sup> Возвеща́яй сло́во Своё Иа́кову, оправда́ния и  
судьбы́ Своя́ Изра́илеви. <sup>9</sup> Не сотвори́ тако́ вся́кому язы́ку, и  
судьбы́ Своя́ не яви́ им.

Слава:

Аллилуиа, Аггеа и Захарии, 148

<sup>1</sup> Хвали́те Го́спода с небёс, хвали́те Его́ в вы́шних. <sup>2</sup> Хвали́те  
Его́, вси Ангели́ Его́, хвали́те Его́, вся́ си́лы Его́. <sup>3</sup> Хвали́те Его́,  
со́лнце и луна́, хвали́те Его́, вся́ звёзды́ и свет. <sup>4</sup> Хвали́те Его́  
Небеса́ небёс и вода́, я́же превы́ше небёс. <sup>5</sup> Да восхва́лят и́мя  
Госпо́дне: я́ко Той рече́, и бы́ша, Той повеле́, и созда́шася. <sup>6</sup>  
Поста́ви я́ в век и в век ве́ка, повелё́ние положи́, и не ми́мо  
идет. <sup>7</sup> Хвали́те Го́спода от земли́, зми́еве и вся́ бездны́: <sup>8</sup> огонь,  
град, снег, го́лоть, дух бу́рен, творя́щая сло́во Его́, <sup>9</sup> го́ры и вси  
хо́лми, древа́ плодоно́сна и вси ке́дри, <sup>10</sup> зве́рие и вси ско́ти,  
га́ди и пти́цы перна́ты. <sup>11</sup> Ца́рие зёмстии и вси лю́дие, кня́зи и  
вси суди́и зёмстии, <sup>12</sup> ю́ноши и де́вы, ста́рцы с ю́нотами <sup>13</sup> да  
восхва́лят и́мя Госпо́дне, я́ко вознесе́ся и́мя Того́ Еди́наго,  
испове́дание Его́ на земли́ и на небеси́. <sup>14</sup> И вознесёт рог люде́й  
Свои́х, песнь всем преподо́бным Его́, сыновом́ Изра́и́левым,  
лю́дем, приближа́ющимся Ему́.

Аллилуиа, 149

<sup>1</sup> Воспо́йте Го́сподеви песнь но́ву, хвалё́ние Его́ в це́ркви  
преподо́бных. <sup>2</sup> Да возвеселит́ся Изра́иль о Сотво́ршем его́, и  
сы́нове Сио́ни возра́дуются о Царе́ своём. <sup>3</sup> Да восхва́лят и́мя  
Его́ в лице́, в тимпа́не и псалти́ри да пою́т Ему́. <sup>4</sup> Я́ко  
благово́лит Госпо́дь в лю́дех Свои́х, и вознесёт кро́ткия во  
спасё́ние. <sup>5</sup> Восхва́лятся преподо́бнии во сла́ве и возра́дуются на

лѡжахъ своихъ. <sup>6</sup> Возношенія Бѡжія в гортани ихъ, и мечи обоюду остры в рукахъ ихъ: <sup>7</sup> сотвориши отмщеніе во языцехъ, обличенія в людехъ, <sup>8</sup> связати цари ихъ пѹты, и славыя ихъ ручными окѡвы желѣзными, <sup>9</sup> сотвориши в нихъ судъ написанъ. Слава сія будетъ всемъ преподѡбнымъ Егѡ.

### Аллилуиа, 150

<sup>1</sup> Хвалите Бѡга во святыхъ Егѡ, хвалите Егѡ во утверженіи силы Егѡ. <sup>2</sup> Хвалите Егѡ на силахъ Егѡ, хвалите Егѡ по множеству величества Егѡ. <sup>3</sup> Хвалите Егѡ во гласѣ трубнемъ, хвалите Егѡ во псалтири и гѹслехъ. <sup>4</sup> Хвалите Егѡ в тимпанѣ и лице, хвалите Егѡ во струнахъ и органѣ. <sup>5</sup> Хвалите Егѡ в кимвалехъ dobroгласныхъ, хвалите Егѡ в кимвалехъ восклицанія. <sup>6</sup> Всякое дыханіе да хвалитъ Гѡспода.

Слава, и ныне: Аллилуиа.

Сей псаломъ особъ писанъ, Давидовъ, и вне числа 150 псалмовъ,  
внегда  
единоборствоваше на Голиафа

Малъ бехъ в братіи моеѣ и юншій в домѹ отца моего, пасѡхъ овцы отца моего. Руце мои сотвориште органъ, и персты мои составиша псалтирь. И кто возвеститъ Гѡсподеви моему? Самъ Господь, Самъ услышитъ. Самъ посла Ангела Своегѡ, и взятъ мя отъ овецъ отца моего, и помаза мя елеемъ помазанія своего. Братія моя добры и велицы, и не благоволи в нихъ Господь. Изыдохъ в срѣтеніе иноплемѣннику, и проклятъ мя идѡлы своими. Азъ же, исторгнувъ мечъ отъ него, обезглавихъ его, и отяхъ поношеніе отъ сыновъ Израилевыхъ.

### По 20-й кафисме, Трисвятое

*Таже тропари, гласъ 8:* Исполненіе всехъ благихъ Ты еси, Христѣ мой, исполни радости и веселія дѹшу мою, и спаси мя, яко Единъ Многомилостивъ.

*Слава:* Аще и согрѣшихъ, Христѣ Спасе мой, предъ Тобою, иногѡ Бѡга развѣ Тебѣ не вѣмъ, дерзаю же на Твое благоутрѡбие,

обращающагося приими́ мя, Благоутрѣбне Отче и Сыне единокрѣдне и Душе Святы́й, яко блуднаго сына, и спаси́ мя.

*И ныне:* Ино́го прибежища и тѣплого предстательства, разве Тебѣ, не вем, яко дерзновение имущи ко иже из Тебѣ рождѣнному, Владычице, помози́ и спаси́ мя, раба Твоего́.

Господи, помилуй (40) и молитва

Господи Иисусе Христе́ Бо́же мой, помилуй мя, грѣшнаго, и прости́ ми, недостойному рабу́ Твоему́, елика Ти согрѣших чрез все животá моего́ время, и да́же до днесь, и а́ще что яко человек согрѣших, во́льная моя́ прегрѣшения и нево́льная, делом и слѣвом, я́же умом и мы́слию, я́же от совосхищѣния и невнимания, и мно́гия моея́ лѣности и небрежѣния. Аще же и́менем Твоимъ кля́хся, а́ще же лжекля́хся, или́ ху́лих мы́слию, или́ кого́ укори́х, или́ оклевета́х, или́ опечали́х, или́ в нечесом прогне́вах, или́ окрадо́х, или́ блудствовах, или́ солга́х, или́ та́йно ядо́х, или́ друг дости́же ко мне, и презрѣх его́, или́ брата́ оскорби́х и преогорчи́х, или́ стоящу ми на моли́тве и псалмопѣнии, ум мой лука́вый на лука́вая обхожда́ше, или́ па́че лепаго наслади́хся, или́ безумно смея́хся, или́ кощунно глаго́лах, или́ тщесла́вихся, или́ горди́хся, или́ доброту́ суетную́ видѣх и от нея́ прельсти́хся, или́ неле́пая мне поглуми́хся. Аще в чесом о моли́тве мое́й неради́х, или́ заповедей духо́внаго моего́ отца́ не сохрани́х, или́ праздносло́вих, или́ ино́ что лука́вое сотвори́х, сия́ бо вся и вѣщшая сих соде́ях, ихже ниже́ помню́. Помилуй, Господи, и прости́ ми вся, да в ми́ре усну́ и почи́ю, поя́, и благосло́вя, и сла́вя Тя, со Безнача́льным Твоимъ Отце́м и с Пресвяты́м, и Благимъ, и Животворящим Твоимъ Ду́хом, ны́не и прѣсно и во ве́ки веко́в. Аминь.

## **МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ**

По совершении же неколкоких кафисм  
или всей Псалтири

Достойно есть: *или* О Тебѣ радуется... Трисвятѣе. *И по* Отче наш.

Тропари, глас 6:

Помілуй нас, Гóсподи, помілуй нас, всякаго бо отвѣта недоумѣюще, сию Ти моли́тву, я́ко Влады́це, грѣшнии прино́сим: помілуй нас.

*Слава:* Честно́е проро́ка Твоего́, Гóсподи, торжество́, Не́бо Це́рковь показá, с челове́ки ликуют Ангели. Того́ моли́твами, Христе́ Бо́же, в ми́ре упра́ви живо́т наш, да поём Ти: Аллилу́иа.

*И ныне:* Мно́гая мно́жества мо́их, Богоро́дице, прегрешѣний: к Тебе́ прибе́гох, Чи́стая, спасѣ́ния тре́буя. Посети́ немощствую́щую мою́ ду́шу и моли́ Сы́на Твоего́ и Бо́га на́шего да́ти ми оставле́ние, я́же соде́ях лю́тых, еди́на Благослове́нная.

*Таже, Гóсподи, Помілуй (40). И поклонов, елико мощно, с моли́твою Гóсподи и Влады́ко животá моего́...*

*Посем глаголи молитву сию со вниманием:*

Многоми́лостиве и Преми́лостиве Гóсподи и всего́ добра́ Дáтелю, Человеколю́бче, и всея́ вселѣ́нныя Царю́, многоимѣ́ный Влады́ко и Гóсподи! Нищ и убо́г есмь аз, дерзаю́ призывáти чу́дное и стра́шное, и свято́е и́мя Твое́, егóже вся тварь Небѣ́сных сил стра́хом трепѣщут. Ни́зу на землі неизрече́ннаго Твоего́ человеколю́биа смотре́ние удивил еси́, посла́нием возлюбле́ннаго Твоего́ Отро́ка, Егóже от безнача́льных недр Твоея́ Оте́ческаго сла́вы, неразлу́чным Божество́м отры́гнул еси́, да челове́ки со Ангелы во еди́н состав устро́ит. Помяни́, Гóсподи, моего́ уны́ния смире́ние, кал сый и персть, Тебе́, неизгла́голаннаго Свѣ́та призыва́ю, нѣмощию плóти обложѣ́н, ю́же ми́лостивне сло́во Твое́ понесе́, и сме́ртию Своєю́ от рабо́ты вра́жия свободилъ е́сть ду́шы на́ша, да о́бщники вся, и́же ве́рою ярѣ́м рабо́ты Твоея́ на ся взѣ́мшыя, сла́вы Твоея́ сподо́бит их, от нея́же сатана́ льсти́вый отпаде́. Помілуй мя, омраче́ннаго грехо́вными по́мыслы, возведи́ ум мой уда́вленный те́рнием ле́ности и ляди́ною непоко́рства. Утверди́ се́рдце моё по Тебе́ горѣ́ти, очима́ моима́ исто́чник слез послѣ́, и на конѣ́ц исхо́да души́ моея́ сотвори́ мя безпоро́чна Твоего́ уго́дника, наста́вляя мя к Тебе́ подвизáтися усѣ́рдно. Помяни́, Гóсподи, родители́ моя́ милосѣ́рдием Твои́м и вся́ бли́жняя моя́, и бра́тию, и дру́ги, и сосѣ́ды, и вся́ правосла́вныя христи́аны, и спаси́ мя моли́твами всех святы́х. И приими́ в честь сия́ псалмы́

и моли́твы, я́же глаго́лах пред Тобо́ю за ся, и неме́рзко Ти бу́ди с воздыха́нием моле́ние си́е, я́ко ми́лостив Сый и Чело́веколю́бец, и Тебе́ Безнача́льнаго Отца́ сла́вим со Единоро́дным Твои́м Сы́ном и со Святы́м Ду́хом, ныне и прѣсно, и во ве́ки веко́в. Аминь.

*Посем Честне́йшую Херувѣм... Слава, и ныне. Го́споди, поми́луй (трижды). Благослови́.*

*Аще иерей, кончает священнически, аще ли простой, кончает сице:*

Го́споди Иису́се Христэ́, Сы́не Бо́жий, моли́тв ра́ди Пречи́стыя Твоея́ Ма́тере, си́лою Честна́го и Животворя́щаго Креста́ и святы́х Небе́сных сил безплóтных, и преподо́бных и богонóсных оте́ц на́ших, и Свята́го проро́ка Дави́да, и всех святы́х, поми́луй и спаси́ мя, грѣшнаго, я́ко Благ и Чело́веколю́бец.

Аминь.

# Оглавление

<b>МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ.....</b>	Ошибка! Закладка не определена.
<b>КАФИСМА ПЕРВАЯ .....</b>	Ошибка! Закладка не определена.
<b>КАФИСМА ВТОРАЯ.....</b>	Ошибка! Закладка не определена.
<b>КАФИСМА ТРЕТЬЯ.....</b>	Ошибка! Закладка не определена.
<b>КАФИСМА ЧЕТВЕРТАЯ.....</b>	Ошибка! Закладка не определена.
<b>КАФИСМА ПЯТАЯ .....</b>	Ошибка! Закладка не определена.
<b>КАФИСМА ШЕСТАЯ.....</b>	Ошибка! Закладка не определена.
<b>КАФИСМА СЕДЬМАЯ.....</b>	Ошибка! Закладка не определена.
<b>КАФИСМА ВОСЬМАЯ .....</b>	Ошибка! Закладка не определена.
<b>КАФИСМА ДЕВЯТАЯ.....</b>	Ошибка! Закладка не определена.
<b>КАФИСМА ДЕСЯТАЯ.....</b>	Ошибка! Закладка не определена.
<b>КАФИСМА ОДИННАДЦАТАЯ.....</b>	Ошибка! Закладка не определена.
<b>КАФИСМА ДВЕНАДЦАТАЯ.....</b>	Ошибка! Закладка не определена.
<b>КАФИСМА ТРИНАДЦАТАЯ.....</b>	Ошибка! Закладка не определена.
<b>КАФИСМА ЧЕТЫРНАДЦАТАЯ .....</b>	Ошибка! Закладка не определена.
<b>КАФИСМА ПЯТНАДЦАТАЯ.....</b>	Ошибка! Закладка не определена.
<b>КАФИСМА ШЕСТНАДЦАТАЯ .....</b>	<b>1</b>
<b>КАФИСМА СЕДМНАДЦАТАЯ.....</b>	<b>5</b>
<b>КАФИСМА ВОСЕМНАДЦАТАЯ.....</b>	<b>12</b>
<b>КАФИСМА ДЕВЯТНАДЦАТАЯ.....</b>	<b>18</b>
<b>КАФИСМА ДВАДЦАТАЯ .....</b>	<b>24</b>
<b>МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ.....</b>	<b>29</b>